

Prirodno-matematički fakultet Univerziteta u Sarajevu, ul. Zmaja od Bosne 33-35, Sarajevo, Bosna i Hercegovina, koji zastupa, **prof. dr. Rifat Škrijelj** (u daljem tekstu: Prirodno-matematički fakultet, PMF) i

Federalni zavod za poljoprivredu u Sarajevu, Butmirska cesta 40, Sarajevo, Bosna i Hercegovina, koji zastupa direktor, **Omer Kurtović** (u daljem tekstu: Federalni zavod za poljoprivredu)

SPORAZUM

o naučno-istraživačkoj, stručnoj i tehničkoj saradnji

Član 1.

Ovim Sporazumom utvrđuju se mogući načini međusobne saradnje između PMF-a i Federalnog zavoda za poljoprivredu u naučno istraživačkom, stručnom i poslovno-tehničkom području djelovanja potpisnica ovog Sporazuma.

Član 2.

Saradnja iz čl.1 ovog Sporazuma ostvarivat će se putem:

- prijave i učestvovanja istraživača PMF-a i Federalnog zavoda za poljoprivredu na postojećim i budućim kantonalnim, federalnim, državnim i međunarodnim naučno-istraživačkim projektima/programima (posebno na IPA programima predpristupnih fondova EU);
- intenziviranja saradnje sa zemljama okruženja, koje su potpisnice međudržavnog ugovora o naučno-nastavnoj saradnji (posebno iz oblasti kojima se bave ove dvije institucije);
- razmjena stručnih iskustava kroz zajedničko učestvovanje stručnjaka PMF-a i Federalnog zavoda za poljoprivredu na rješavanju problema iz prakse (rad na tehničkim izvještajima, ekspertiza, studija itd.);
- učešće djelatnika Federalnog zavoda za poljoprivredu u nastavnom procesu na PMF-u u skladu sa nastavnim potrebama i Zakonom o visokom obrazovanju Kantona Sarajevo;
- unaprijeđenja nastavnog procesa na PMF-u (izrada diplomskih, magistarskih i doktorskih radova-posebno) povremenim korištenjem opreme i stručnih kadrova Federalnog zavoda za poljoprivredu;
- podrške naučno-istraživačkom radu u pojedinim oblastima od interesa za PMF i Federalni zavod za poljoprivredu;
- zajedničkog nastupa, odnosno formiranja zajedničkih timova u poslovima sa drugim institucijama od interesa za PMF i Federalni zavod za poljoprivredu;

Član 3.

PMF i Federalni zavod za poljoprivredu sporazumjeli su se da će za svaku od aktivnosti iz čl.2 sklapati poseban ugovor, pri čemu će imati u vidu pojedinačne, kao i zajedničke interese.

Član 4.

PMF i Federalni zavod za poljoprivredu sporazumjeli su se da ukupno ostvarena, zajedničkim aktivnostima finansijska sredstva, laboratorijska oprema, naučna i stručna prava, raspodjeljuju međusobno, što će biti regulisano ugovorom prema čl.3.

Član 5.

PMF i Federalni zavod za poljoprivredu sporazumjeli su se da će za izvršenje aktivnosti iz čl.2 ovog Sporazuma po potrebi formirati zajedničke timove.

Član 6.

Ovaj Sporazum se zaključuje na neodređeno vrijeme. Svaka strana u Sporazumu može pismeno otkazati ovaj sporazum u cjelini ili djelimično sa otkaznim rokom od tri mjeseca.

Član 7.

Eventualni sporovi rješavat će se dogovorom PMF-a i Federalnog zavoda za poljoprivredu. U slučaju da se na ovaj način ne postigne zadovoljavajuće rješenje, sporove će rješavati nadležni sud u Sarajevu.

Član 8.

Sporazum je sačinjen u 4 (četiri) istovjetna primjerka od kojih svakoj potpisnici pripadaju 2 (dva) primjerka.

Član 9.

Sporazum stupa na snagu danom potpisivanja.

Prirodno-matematički fakultet Sarajevo Federalni zavod za poljoprivredu Sarajevo
Dekan V.d.Direktor-a

Prof. dr. Rifat Skrijelj

Broj: 01/104-1329/14
Datum: 26.05.2014. godine

Mr. sci. Omer Kurtović

Broj: 03-49-1190/14
Datum: 26.05.2014. godine